



SULEQATIGIISITSISUT  
SAMARBEJDSPARTIET

Nuuk ulloq 03. juuni - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

- 1. Mammografi atorlugu misissorneqartarnissamut periarfissat qanoq ippat, nakkutillinertut anguniarugu siusissumik nappaammik suussusersiisarnissaq aamma misissuisarnissaq Nuup avataani?**
- 2. Arnat nappaataannik katsorsaannermut atatillugu pinaveersaartitsiniutitut misissuisoqartarnissaanut qanoq periarfissaqarpa soorlu illissakkut nappaateqalersinnaanerup paasiaartarnissaa siunertaralugu, aamma soorlu kiliortortilluni kræfteqalersimasinnaannermut misissuinerit ilanngullugit taamatullu nunami maani HPV-mut pinaveersaartitsinerit eqqarsaatigalugit, Nuup avataani?**
- 3. Nuna tamakkerlugu qulaani taaneqartunut tunngasunik nakkutilliinermik pitsaasumik neqerooruteqartoqartarnissaa pilersaarutaava, soorlu nuna tamakkerlugu kapuuisarnermi taama periuseqartoqartartoq?**
- 4. Nunatsinni periarfissat qanoq ippat, aamma Nuummi, sapingaqarnermut misissortinniaraanni, soorlu taaneqartartoq priktest atorlugu?**
- 5. Qulaani taaneqartut arlaannaalluunniit ajornarpat Naalackersuisut qinnuigineqarput nassuiaqqullugu sooq ajornarnersoq.**
- 6. Naalackersuisut allanik soqutiginarsinnaasunik paasisutissiisinaappat?**  
(Inatsisartunut ilaasortaq Tillie Martinussen, Suleqatigiissitsisut)

**Tunngavilersuut:**

Suleqatigiissitsisuni isumaqarpugut peqqinnissaqarfimmi napparsimasuutitta nappaataat eqqortumik suussusersineqarsinnaasuuppata taava nunani avannarlerni peqqissutsikkut neqeroorutigineqartartunut nallersuussinnaalissasugut.

Aamma isumaqarpugut napparsimasunik sullissineq sulisussaaleqinermik eqqorneqaqqasoq aamma nappaatit arlallit eqqarsaatigalugit siusissumik suliniuteqartoqarsinnaaneq ajortoq naak suliniartoqajaartartuuppat inuiaqatigiinni katsorsaannermi aningaasartuutit millisarlugillu appartinneqarsinnaagaluartut, sulisartoqarnerp iluani napparsimasarnerit ikinnerulertussaagaluartut kiisalu nappaatit naleqqussarneqarsinnaasut, katsorsarneqarsinnaasut nakorsarneqarsinnaasullu il.il. iluaqusiivigineqarsinnaagaluartut iliuuseqapallattoqartartuuppat.

Taamaattumik kissaatigaarput tusassallugu peqqinnissaqarfik nuna tamakkerlugu pinaveersaartitsinernik neqerooruteqarsinnaanersoq aamma siusissumik misissuisarnissat neqeroorutigineqarsinnaanersut il.il.

Apeqqutit akeqquneqarput ullut sulliviit qulit iluanni.

Tillie Martinussen  
Samarbejdsparitiet - Suleqatigiissitsisut

---